

ABSTRAK

Sejak American Association for the Advancement of Science menerbitkan *The Online Journal of Current Clinical Trial* pada 1992, muncul pada hari ini ribuan e-jurnal di Internet dalam pelbagai bidang dan bahasa dan dari pelbagai negara di segenap penjuru dunia. Internet menyediakan medium baru kepada para sarjana dalam semua bidang untuk melapor penemuan terbaru mereka secara pantas, mudah, murah dan tersebar luas. Kajian ini bertujuan untuk mengkaji kedudukan terkini e-jurnal di negara ini. Kajian ini penting bagi mengetahui status penerbitan e-jurnal ilmiah di negara ini serta penerimaan sarjana kita terhadapnya. Persoalan yang ingin dijawab adalah: Apakah judul-judul-judul-judul jurnal Malaysia yang sedang beredar di Internet sekarang? Dalam bidang apa? Berapa jumlahnya? Apakah projek berkaitan e-jurnal yang sedang diusahakan di Malaysia sekarang? Institusi mana yang melaksanakan projek itu? Berapa jumlah kewangan yang terlibat? Apakah sikap ahli akademik dalam menghadapi e-jurnal? Sejumlah 151 ahli akademik di IPTA dan IPTS yang merentas hampir semua bidang sains sosial dan kemanusiaan serta bidang sains, teknologi dan perubatan telah dipilih sebagai responden dalam kajian ini. Soal selidik dikemukakan kepada responden melalui e-mail. Hasil kajian ini mengenal pasti enam judul e-jurnal ilmiah di negara ini diusahakan oleh universiti, agensi awam dan swasta. Kajian ini juga mengesahkan ahli akademik negara ini menerima dengan baik e-jurnal kerana sifatnya yang mudah, murah, pantas, tersebar luas dan menjadi medium baru bagi komunikasi ilmiah. Hasil kajian ini membawa implikasi bahawa terdapat masa depan yang baik bagi pertumbuhan e-jurnal di negara ini. Ahli akademik mula bersedia menerima e-jurnal sebagai medium baru dalam komunikasi ilmiah.